



Оразалы СӘБДЕН, Қазақстан Ғалымдар одағының президенті, ҚР Мемлекеттік сыйлықтың иегері, академик:

«ЕСКІ СҮРЛЕУДІҢ СОҢЫ – ТЫҒЫРЫҚ»

5-бет

ЗАН

✉ zangazet@mail.ru

№7 (3435) 25 қаңтар 2022



газеті

ZANMEDIA.KZ

Қоғамдық-саяси, құқықтық газет

БҮГІНГІНІҢ БАС ТАҚЫРЫБЫ

БӘСІ ЖОҒАРЫНЫҢ БАҒАСЫ БИІК



Елімізде мүмкіндігі шектеулі жандардың дербес саяси ұйымы, яғни партиясы пайда болуы мүмкін. Бұл туралы Парламент Мәжілісінің жалпы отырысында Әділет министрі Қанат Мусин депутаттар сауалына жауап беру барысында мәлімдеді. Жиында «Қазақстан Республикасындағы сайлау туралы», Қазақстан Республикасының Конституциялық заңына өзгерістер мен толықтырулар енгізу туралы», Қазақстан Республикасы Конституциялық заңына және «Саяси партиялар туралы» Қазақстан Республикасының заңына өзгеріс енгізу туралы» заң жобалары қаралған болатын. Заң жобаларын қорғаған Әділет министрі Қанат Мусиннің айтуынша, мақсат – биліктің өкілді тармағында әйелдердің және жастардың, сондай-ақ мүгедектері бар адамдардың да қатысуын қамтамасыз ету және пікірін ескеру, оларды мемлекеттің тыныс-тіршілігіне белсенді жұмысқа тарту.

(Жалғасы 3-бетте)

ҚАЗАҚСТАН
ТӘУЕЛСІЗДІГІНЕ

30 ЖЫЛ



«САМҰРЫҚ-ҚАЗЫНА»: АТЫ ДАРДАЙ, ҚАДІРІ ҚАНДАЙ?

3-бет



ТҮРКІСТАНДАҒЫ ТЫЛСЫМ ТҮН

8-бет

АЛТЫН КӨМБЕ

ТАРИХИ ЖЕРЛЕР – ҚАЗАҚТЫҢ ТАМЫРЫ

Мәдениет – туризмнің өзегі

Ес біліп, етек жапқан күннен бастап адам баласының өмір бойы ойынан шықпай, қиялынан кетпейтін бір арманы болса, ол – ел аралап, жер көру екені күмәнсіз. Қоғам дамып, ел мен елдің арасындағы қарым-қатынас түзеліп, бейбіт өмір салтанат құрған уақытта бұл арманды жүзеге асыруға әрдайым мүмкіндік те көбейе түседі. Бүгінде әлем жұртшылығы есімін құрметпен атайтын Эйрик Торвальдсон, Лейф Эрикссон, Марко Поло, Христофор Колумб, Америго Веспуччи, Васко да Гама, Фернан Магеллан, Джеймс Кук, Роберт Фолкон Скотт, Руаль Амундсен бастаған әлемнің әйгілі саяхатшыларының тізімінде Шоқан Уәлихановтың болуы біз үшін зор мақтаныш.

Ғылым мен технология қарыштап дамып, жаһандық ықпалдастық өмірімізге дендеп енген қазіргі кезеңде ешкімді ешнәрсемен таңғалдыра

алмайсыз. Адамдар ғарышқа саяхаттап жатқан кезде, біреу ұшақпен азанда Алматыда, түсте Токиода, кешке Нью-Йоркте ас іштім десе ешкім оған күмәнданбайды. Олар тек әлемдегі түрлі ұлт пен ұлыс өкілдерінің жүздеген-мыңдаған жылдар бойы жалғасып келе жатқан архитектуралық, тарихи, мәдени мұрасы мен ұстанатын салт-дәстүрі, өнері, тілі, ұлттық киімі мен күнделікті тұтынатын ас-суына ғана қызығушылық танытуы мүмкін. Сондықтан туризмнің пайдасын көрген жұрттың бәрі өзіне саяхатшыларды көбірек тарту үшін барын жаңғыртып, жоғын түгендеп түрлі іс-шаралар өткізуде. Мәселен, біреулері арнайы фестивальдер мен конкурстар өткізсе, екіншілері демалыс пен ойын-сауық орталықтарын құруда, үшіншілері музейлер, этноорталықтар жасап, ата-бабаларының байырғы өмірі мен тіршілігін көрсетіп, оны табыс көзіне айналдыруға күш салуда. Бұл үрдістен біз де тыс қалмадық. Туризм саласын дамыту бойынша 2019–2025 жылдарға арналған мемлекеттік бағдарлама да қабылданды. Мақсат – туристер қызығатын орындарды

дамыту және еңбек ресурстарын тарту; ішкі және сыртқы туристік ағынды өсіру; салаға тартылатын инвестицияны ұлғайту; көрсетілетін қызмет пен өнімдердің қолжетімділігін және сапасын арттыру.

Мәдениет және спорт министрлігінің Туризм индустриясы комитеті басшылық жасайтын бұл салаға бюджеттен бөлінетін қаржының көлемі де жыл өткен сайын өспесе, кеміп жатқан жоқ. Статистика бойынша көрсеткіште оң өзгеріс бар. Алайда оған қанағаттануға әлі ерте дейді Ұлттық туризм индустриясы қауымдастығының басшысы Раушан Шәмшіқызы. Оның айтуынша, коронавирус індетінің таралуына байланысты енгізілген карантиндік жағдай оны тағы дәлелдеді. Сыртқа шығу шектелген кезде ішкі туризмде біршама оң өзгеріс байқалғанымен, ол көңілге толық сенім ұялата алған жоқ. Өйткені, елімізде туризм бойынша ұсынылатын қызмет сапасы мен өнім түрлерінің жалпы халыққа қолжетімділігі жағынан сала көшбасшыларынан әлі де артта қалғандығымыздан карантин талаптары қайта жеңілдеген кезде қазақстандықтардың қайтадан сыртқа қарай ағылуы байқалды. Мұның басты себебі елдегі туризм индустриясының білім, мәдениет, медицина, спорт сияқты салалармен арадағы байланысының әлі күнге дейін бір жүйеге түспеуі.

(Соңы 4-бетте)

ТҮЙТКІЛ

ЖЕКЕ СОТ ОРЫНДАУШЫ

ШЕШІМДІ ОРЫНДАСА – ЛАҒНЕТ, ОРЫНДАМАСА – РАҚМЕТ АЛАДЫ

Сот орындаушы берешекті өндірсе – лағнет, қарызын алып берсе – рақмет айтады. Мұны біреудің тапсырысымен немесе жеке сот орындаушыларға жағыну үшін айтып отырған жоқпын. Себебі, мен борышкер емеспін, тек кезінде талай шарасыз азаматтың жеке сот орындаушылар көмегімен берешегін қайтарғанын көзім көрді.

(Соңы 2-бетте)

